

Macarxcvrore rujeoyuju Dio, vmvre quene.

Dio rujeosvorojv, sitare, vmva gaserore quene rujeoyuju Dio. Sita manojv ñañuju. To bajiro bvto ñitocöañuju, adojv, ocojv. Oco wecajv wvrvingoñuju Dio Vsvne. To bajiro: — Bususe ñaña, yiyuju Dio. To ï yirone bususe ñasvoyuju ya. Bususere ïarone: — Tire bvto quenaja, yiyuju Dio.

To bajiri bususere godo wedioyuju Dio, rëtiasere. To bajiri vmva wame yisvoyuju Dio, bususere. Ñami wame yisvoyuju Dio, rëtiasere. To bajiro ñasvori rvmv rëto weocoasuju ya, Gajervmv ti ejarojv: — Ocone, bueri mvjaña, Wecajv mvjaña, yiyuju Dio.

To ï yirone vmva gasero rujeoyuju Dio. Oco ñarijv, bueri ñarijv quene quenoñuju Dio, ya. Vmva gasero wame yisvoyuju Dio, wecajvre. To bajiro ñababori rvmv rëto weocoasuju ya, Gajervmv ti ejarojv ñangoñuju Dio quena. — Oco miniña, cojojavn, yiyuju Dio.

To bajiri carari tvcurö ñañuju ya. Sita wame yiyuju Dio, carari tvcuröre. Rujarari wame yiyuju Dio, oco cvtiyarire. Tire ïarone: — Tire bvto quenaja, yiyuju Dio. To bajirone: — Macarxcvrojv yucv, ta widibare, ña jediro judiya. Judi, bvcva, rica cvti, weja quea, tire jediro yiya, yiyuju Dio.

To ï yirone ado bajiro ñañuju ya, Ña jediro judisvoyuju ti yucv roti. To bajiro bvcva, rica cvti, rica quea, jo bate, judijeoyuju ya. Dio tire ïarone: — Bvto quenaja, yiyuju Dio, To bajirone gajervmv rëto weocoasuju. Gajervmv ti ejarojv bususere rujeoyuju Dio, jvarvre. Busuri jaigvre cöañuju Dio, vmvarijv. Asibetine busuri jaigvacare cöañuju Dio, ñamijv. Ñocoare quene rujeoyuju Dio. To bajiri muijüre, ñami muijüre quene cüñuju Dio, wecajv, macarxcvrore busuräre. — Busuriarori ñaña, wecajv. Wecajv ñaröjvjav bususe bajiya. Macarxcvro bususe ñaña, yiyuju Dio ya.

To bajiro bajiyuju. Vmvarirocv cöañuju Dio, muijüre. Ñamijv cöañuju Dio, ñami muijüre, bususe, rëtiasere godo wediorvajare. Tire ïarone: — Bvto quenaja, yiyuju Dio, To bajirone gajervmv rëto weocoasuju. Gajervmv ti

ejarojv Dio i ñangoñuju quena. — Oco watoajv jarä waia ñaña, oco watoajv catirä quene, yiyuju Dio.

To bajiri ña jediro ñasvoyujarä ya. Riagana rïa cvti tuniñiujarä, ña jediro. Riagana jarä ñañujarä ya. Quene ña jediro miniare rujeoyuju Dio, ña jediro wvräre. Ina rïa cvtiujarä. To bajiri jarä minia ñañujara ya. Tire iarone: — Anoa bvto quenaja, yiyuju Dio.

Gajervmv rëto weocoasuju. Gajervmv ti ejarojv, waibvvräre, bvoräre, mvjaräre, ña jediro rujeoyuju Dio. To bajiro bajiyujarä ya.

To bajiro: — Masvre rujeoto mani, mani wvjore bajigvre. Oco waiare, miniare, waibvvräre, ña jedirore roti timarvcvmi i, yiyuju Dio, i masure.

To i yirone masvre rujeosvoyuju Dio. Dio wvjore bero bajigvre rujeoyuju Dio, masvre. Vmv, romio quene rujeoyuju Dio. Adá wame cvtiyuju masv. To yi gajano: — Wari quenaña mva. Jarä rïa cvtiba. Macarvcvojv jvmvcoama mva. Adojv rotiya, waiare, miniare, nä jediro macarvcvroanare. Ña jediro otere, judise, yucv rica quene isiaja yv, mvare. Mvare bare ñarvaroja ti. Ña jediro waibvvräre, miniare, ña jediro macarvcvroanare isimv yv, ina bare, otese bare, inare goti yiyuju Dio.

Ado bajiro bajiyuju. Ña jedirore iarone: — Tire bvto quenaja, yiyuju Dio.

To bajiro gajervmv rëto weocoasuju. Ado bajiro rujeoyuju Dio, sitajv, vmva gaserore quene. Cojomocöro coja jenituario rvmvri jvdo moare jedicoasuju Dio. To bajiri gajervmv moa ujariarvmv ñañuju ti, Diore. To bajiri: — Tirvmv, moa tujariarvmv, quena rëtoaja, gajervmvrire, yv moa jedicoajare, yiyuju Dio.

Ado bajiro quena Dio rujeosere ñañuju. Macarvcvrore, wecagacure quene rujeoto ado bajiro ñañuju. To bajiro wesejv judise mañuju. Dio oco quedise cöabetijare judibesuju, ado macarvcvojv. Wese codegv mañuju quene. Bueri gaseri mvjañuju, macarvcvro wecavj. To bajiri oco ejayuju,

sita ñarojv jerosc. To bajiro masvre rujeoyuju Dio. Riri räca rujeoyuju Dio, masvre. Masv i ya ingeare vsv catisene juticöañuju Dio. To bajiri catigv ñañuju masv ya.

To bajiro jairi wesc oteyuju Dio. Ti wesc Edé wame cvtiyuju, joejeari sojev. Ti yi gajano tva jio cvñuju Dio, masvre, i rujeogvre. To bajiro ña jediro quenasc otesere, yucv ricare, judioyuju Dio. Wesc gvdareco ba catiri ñañuju ti yucv. Masare catioyuju ti. Ti yucv masa bajama inare cati jedicoari ñaroja ti. Tvoia masioriv ñañuju ti yucv quene. Masare tvoia masio timayuju ti yucv, quenasere, rojosere quene.

To bajiro wesc cvñuju Dio, masvre. Wesc coderocv masvre yi cvñuju Dio. Adá wame cvtiyuju masv. To yi gajano: — Wesc ote ricare, jericare quene, baya, mv barvajama. To bajiboarine wesc gvdarecojv tvoia masioriv ñaja ti yucv. Ti rica bajama rojosc yisere, quenasc yisere quene tvoia masirvcvja mv. To bajiri ti rica babesä. Mv bajama rijacoacvja mv, Adäre yiyuju Dio.

To bajirone Dio ñangoñuju quena: — Adá i sigvne ñajare tire quenabeaja ire. To bajiri masore rujeobosarvcvja yv, Adäre. Ire ejaremogo ñarvocomo so, yiyuju Dio.

To bajiri ña jediro Dio i ya rujeoräre txañuju Dio, Adäre. Waibvcvräre, miniare, jinoare, añare, bvoräre quene, ña jediro tvañuju Dio. Inare wame yirocv Adäre tvañuju Dio, i rujeoräre. Inare wame yi gajano ina wame cvtiyujarä ina. To bajirone wecvre, semere, minire, mimire, ina ñaro cöro wame yiyuju Adá. To bajiboarine ire yiremogo mañuju ya. To bajiri bvto canioñuju Dio, Adäre. Adá i canito yejv Adá i waru ngoare ami goyuju Dio. To i yirone i waru bvre moa bibeyuju ya. Ngoane masore rujeoyuju Dio, Adá i yujirone masore tva isiñuju Dio, Adäre. Sore iagvne: — Maso ñaja mv. Yvre bajigo ñaja mv, Yv ngoarone rujeomi Dio, mvre. To bajiri romio ñaja mv, sore yiyuju Adá.

Ado bajiro adi macarvcvrojv manajo cvtigv wa weocami i, i jactire, i jacore, i manajo räca. I manajo räca sigvre bajiro ñama ina, jvarä meje.

Adá quene, ï manajo quene wasorori mana ñañujarä. To bajiboarine bojonemema ñañujarä ina.

Diore ajibesujarä masa.

To bajiro jino ñañuju. Jino bvto masiñuju ya. Bvto vsv botuayuju ï, rvogv, Ngajeräre, macarocaräre masi rëtoyuju jino, Dio ï ya ngajerä rujeoriaräre. To ï ejarone: — "¿Wesejv yucv ricare babesä mva," mvare yiri Dio? masore yi seni ïañuju jino.

To ï yirone: — Bvto to ricare, ti otesere ba timaja yva. To bajiboarone wese gv dareco tvoia masioria yucv, ti ricare ba rotibeami Dio, yvare. Yva bajama, moaiajama quene, rijacoanaja yva, jinore yi gotiyuju so. To so yirone: — Rijamenaja mva, Ti ricare bajama rojosere, quenasere quene tvoia masirä ñaräja mva. To bajiri Diore ï bajirore bero bajiräja mva. Tire Diore bero mva masijare mvare ba rotiami Dio, sore yitogv yiyuju jino.

To bajirone ti ricare ïagone bvto quenaja sore, quenase rica, quenase bare ñajare. To bajiri ti ricare tvamariori bayuju so. So manajvre quene ïsiñuju so, ti ricare. To bajiro bayuju Adá. To bajicöari tvoia masicöañujarä ina, bvto. Waso manisene tvoiañujarä ina, ina rujvrire. To bajiri jv räca sudi quenoñujarä ina\* Tire sudi rujeo sañañujarä ina.

To bajiro wesere wacv yiyuju Dio, muiju roca satojv. Dio ï wadisere ajijare wese yucv toyevj ïre yayiyujarä ina, Diore, To bajirone: — ¿Nojv ñati mva? inare yiyuju Dio.

To ï ejarone: — Mv wadisere ajibv yuv, wesere. Yv waso magv ñajare bojonebvsaja yv. To bajiri mvre yayibv yv, Diore yiyuju Adá.

To ï yirone: — ¿Mv bojonesere ñimv gotiri, mv waso manisere? ¿Tvoia masioria yucvre bari mv, yv ba rotibetire? Adäre yiyuju Dio.

To Dio ï yirone: — Adio romio ïsicajv mv, yvre. Tire tvoia masioriv ricare

yvre isimo so. Tire babv yv, so isisere, Diore yiyuju Adá.

To i yirone: — ¿No yigo bari mv? romiore yiyuju Dio.

To i yirone: — Jino yvre rvojare tvoia masioria yucvre babv yv, Diore yiyuju so.

To so yirone: — Mv sore rvojare sita joejv mv gvdajoa watoje cuña mv. Ñu wasa mv. Mv yv, so ñarocvre tudirvcvmi i, bvto. So ñarocv i gvbo isiare junirvcvmi mv ñarocv. Mv ñarocv i rijoare junirvcvmi i, so ñarocv. Mv ñarona wajarä ñarvaräma so ñarona, Jinore yiyuju Dio, ire queagv.

Romio rojogo ñajare: — Mv ria rujearojv: bvto mvre junirvaroja. Mv manajvre amorvocoja mv. To bajiri mvre rotigv ñarvcvmi i, sore yiyuju Dio, sore queagv.

Adá rojogv ñajare: — "Ti rica babesa," mvre yv yihoarone yvre ajimoamibeaja mv. Mv manajore ajijare yvre ajibeaja mv. To bajiri sitajv bvto widirvaroja ti. Bvto mv moajama bare ñarvaroja mvre. Mv moabetijama bvto mvre ñiorijarvaroja. Bvto vsaca buse räca ti ñaro moarvcvja mv. Wese moaro berojv rijacoarvcvja mv ya. Sita räca rujeocajv yv, mvre. Rijacoato jvdojv sita ñarvaroja mv quena, Adäre yiyuju Dio, ire queagv.

To i yirone waibvcvrä gasene ina wasoro quenobosayuju Dio, inare. Ti gasero ina sañañujarä, Adá, i manajo. To bajiro Ewa wame yiyuju Adá, romoire. Ña jediro mani masa jaco ñañuju so. To bajiro: — Adá manire bajigvma ñami. Quenasere, rojosere tvoia masigvma ñami i. Catoria yucv ina bamenajaro yigv inare jia rotiato mani, wesejv. Ti rica bajama cati jedirvaräma ina. Tire quenabeaja, yiyuju Dio.

To bajiri inare wa weorotiyuju Dio, wesejv. To bajiro quenari wesejv wa weoyujarä ina. Adá, Ewa räca. Gajejv wese quenonuju Adá.